

**Dr Hasan jawab dakwaan Mustafa Ali esok**  
**MalaysiaKini.com**  
**Disember 23,2011**

Bekas pesuruhjaya PAS Selangor, Datuk Dr Hasan Ali berkata beliau akan menjawab tuduhan setiausaha agung parti itu, Datuk Mustafa Ali yang mengaitkan beliau dengan agenda Umno, esok.

Beliau berkata semua penjelasan terhadap tuduhan itu akan dibuat dalam satu sidang akhbar di kediamannya dekat Kuala Lumpur.

"Nanti saya akan jelaskan. Esoklah. Saya akan buat sidang akhbar esok di rumah saya jam 11 pagi," kata pengerusi hal Ehwal agama Islam, adat Melayu, infrastruktur dan kemudahan awam Selangor itu kepada Bernama ketika dihubungi hari ini.

Semalam, Mustafa mendakwa beliau mempunyai bukti untuk mengaitkan Hasan dengan agenda Umno.

Mustafa dipetik sebagai berkata ia merujuk kepada satu pertemuan antara Hasan, bekas timbalan presiden PAS Nasharuddin Mat Isa dan tiga individu lain di sebuah hotel di ibu negara pada bulan Ramadan lepas.

Sementara itu, usaha Bernama untuk mendapatkan penjelasan daripada Nasharuddin tidak berjaya.

Copyright © 1999-2011 Mkini Dotcom Sdn. Bhd  
<http://www.malaysiakini.com/news/184887>